

咸淳臨安志

八

咸淳臨安志

咸淳臨安志卷之十一



行在所錄

學校

諸王宮大小學

宗學

在睦親坊按 國朝宗子分為六宅宅各有學學
皆有官 中興後惟睦親一宅 紹興四年始置
諸王宮大小學教授各一員專以訓迪南班子弟
隆興間省其一 嘉定九年始改宮學為宗學即
其地更創凡在屬籍者皆以三載一試補弟子員

二百四

咸淳臨安志卷之十一

馬五龍

如太學法改教授為博士又置諭一員隸宗正寺
十四年四月因臣寮之請復存教授一員與博士
諭輪涖講課若沂府諸近屬則別置教授為清望
官兼職不在此列宗學扁

理宗皇帝御書

大成殿

御書閣

舊在明倫堂之上 咸淳六年守臣潛說友奉
朝旨重建而別創明倫堂於閣之前

明倫堂

立教堂

理宗皇帝御書扁金華應鏞記建學學官題名

皇上清靜在御百度搏約惟是官府之關於禮樂政教者是整是飭煥然一新顧茲訓迪天枝培植化本之地自南渡草荆為屋數楹綿襪幾百沿簡襲陋獨未能有加於昔廼更化之十載規啟廢宇增闢黌舍益聚四方之宗英而追琢之揭名復舊顓隸宗寺以卿總其要而置博士及諭蒞其凡越二年四明羅君仲舒范君楷為是職慨然有感於盛舉之不常見而念壯觀之不可狹也乃條其事以告有旨遷睦親近屬之居於他所而盡拓故基以為學九賜緡錢三萬有奇二君相與獻圖稟畫程功董事縮蠹積贏費簡工倍殿堂齋館靚深礮密聳動羣目復增補負定試格凡陞黜進退之制槩視太學昔之所以聚而教之者惟及其近而族屬之疎不與也昔之所謂掌教者不過講授而課試之法無有也惠篤有叙程督有經於是嘉

松真

成淳臨字卷十一

二

馬三鹿

祐之略者詳崇觀之廢者舉其立愛愈周而為法亦密矣學既成具釋菜之禮以妥之邊豆旅陳紳綏序列有喟於傍者曰虞典樂之教周師氏之詔邈矣今一旦興乂曠之盛典觀承平之盛儀何幸歟既又有躍而奮者曰唐宗室子與天下士雜進於科舉文章事業彬彬踵出鮮由學校自見者凡我宗姓蒙被教育月書季致與俊造齒敢不勉二君則進而誨之曰學非既其華既其實教非務其末務其本三代之學皆明人倫而周南之化必以信厚終焉昔楚元王遣其子郢客肄業長安授詩浮丘伯淵源所漸流浹數世若辟疆之清靜更生之直諫邈其端緒一浮丘實發之漢初未能為宗族立學也區區私相傳授猶能耀名青史吾儕幸周御于輪奐之區沐浴乎休明之澤盍餐和飲粹上有以追麟趾之風下母愧浮丘師生可也聽者曰唯會方斲石紀建學以來歷任者名氏乃次其詞書之于首嘉定庚辰臘月望日

小學教授王執中記教授題名

有司失其傳不

大

侯去其籍莫能詳周之爵題名名氏之有闕雖
 非有以去之其諸失其傳歟官庠教授雖肇建
 於景祐之三禩實權輿於至道之改元執
 政謂環衛之官非親王比當有降殺請以教授
 為名孫贛始為之咸平初命諸王府官分
 兼南北宅教授朱昂張蔚輩嘗為之然而族居
 散漫無所統一文靖呂公有建睦親宮置教授
 官之請遂泐潞王而下第宅錫名睦親宅睦親
 宅教授於此乎取之治平建元本支寔盛教
 授六負不足於授業有別置小學教授十有
 上置講書四負十四以下廣親二位謂子孫眾
 二負以分教之其後睦親廣親二位謂子孫眾
 多所居秋隘請焉復建睦親廣親北宅于芳林
 園分為一往來者憚之雖有教授名存實廢請令
 而為一往來者憚之雖有教授名存實廢請令
 各宮置大小二學增教授二負不置講書教授
 於是分講五經矣越四季改教授為宗子博士
 班序胄子博士上云一馬化龍庶事草創有
 請置官學大小教授各二負者趙忠簡公當軸
 惟置諸王官大小學教授二負隆興省官復
 廢其一所講者詩書論孟焉耳六七十年載之
 獲膺茲選不為少矣載諸百官題名十纔七八
 散在其他題名九人而已或數載闕官亡繇詮
 次或勾外無傳不知其人非以昔無壁記耶往
 者不可及來者猶可為因缺諸石巨父其傳其
 為丞郎入館閣往往而除臺官餘十
 人既而持荷橐貳鼎鉉亦各數人班班可觀焉
 嗟乎選預文學之館時所傾慕名載滕王之閣
 私竊以為喜諸王官學雖非文學館比爰視滕
 閣夫豈多遜屈是官也盍思遴選于朝如此
 其嚴擢用夫人如彼其非次勉旃職業期於遠
 者大者異時眦此足以自尉他人亦歆豔之其
 子若孫與有榮焉不然者反是義不在茲大小
 平班資崇庫云乎哉除授季月云乎哉

學教授周直方記登科題名

國家受命于天克昌厥後本支蕃盛

英才輩出列聖以義制恩命屬籍母與科目
 之士競進雖有能鬱而弗施神宗皇帝立
 賢無方不以親廢迺詔未命者應舉已命者
 鎖應而同姓擢科始與寒素等崇觀間繼

興舍法追琢帝宵月書季攷如賢關俊造之選此二者皆國之鉅典也渡江以來三歲應詔

公族之薦于春官者惟舊而舍法未復先是置學宮邸以詢近親屋僅數楹綿蕞特甚儒官雖

設課試未備無以示勸皇上慨然撤宮學而鼎新之更其名曰宗學蓋宮止於近親而宗則

屬之戚疏咸預焉歲校行藝以次而陞悉視太武學之制三舍規模至是盡復矣猗歟盛哉學

建於嘉定九年十五年始得旨試上舍生汝是與諮首預茲選會寶壘恩闔學之士

免秋薦者百二十人次年春奏名南宮者十有八併陞舍二士賜第於廷者合二十人盛

事創見昔所未有汝是等來諗曰諸生叨被聖化獲玷科級將刻名以侈上賜詎可無以

識之敢請因告之曰子之請美矣亦嘗思所以報菁莪樂育之恩乎昔周設四教首及於王之

支庶故明倫之義著維城之志篤子孫千億屏衛宗社周用以強唐之天派雖罕繇監學顯而

進士一科多宗室子名公鉅卿彬彬可紀為唐光華今上初建學而子輩聯登盍自奮厲無

愧於周唐同姓以稱明時作成之意庶乎足以仰酬萬一也諸生成應曰敢不勉廼次其詞俾

刊諸石嘉定大小學教授蔡抗記登科續題名又溥祐甲辰之冬皇上奮發英斷更新大化

是赫奕奎文誕揚鬡宇賜之束帛試之春官優之陞擢意氣激昂多士興起至臨軒之

日擢第者九十三人稽之壁記未有盛於斯者諸生以記石已溢別斷而續之請記焉抗聞

之君臣上下之大倫天之經地之義所謂民彝也士君子當國家之急陳義慷慨詞氣激烈

如驚湍怒濤萬折而必東者豈有所為而為之哉亦出於秉彝好德之不可遏焉爾雖然此未

仕時者也今仕矣如之何嗚呼士生斯世其未達也孰不以直道自任一且僭人之爵立人之

朝富貴餌於前患難休於後志昏於氣義奪於利鮮有不易正為邪而失其素履者是則諸君今日既仕之後益當自勉於學問以培植氣節之根本且知夫士之所當為者不止於是也不

咸淳臨安志卷十一 四 馬士龍

然壁記之續自我始後之人歷指其名而數之
曰是人也始於正終於正是人也始於正終於
邪可不懼哉 淳博士胡泓記兩優釋褐題名

士專以文進非古也然知言知人聖有成訓言
心聲也聲成文有可觀者觀其文知其人矣我

寧宗皇帝在位二十有二年始追舊典建宗學
置博士弟子員九隸玉牒無間成疏于此試焉

于此校行藝焉月書季攷循式唯謹又六年昉
置上舍生凡內舍行藝之校曰優曰平者咸試

之視其等之次第以陞借南宮進士對策大
廷累舉得人班班可紀獨內舍優校中上舍優

等則閱十餘歲未之有也 嘉熙改元陞夫始
中是選被恩解褐士忻榮之 淳祐癸卯崇尚

復以行藝校優試入上舍優等第一人纔六稔
爾兩優解褐之士再見可謂盛矣太武學進士

題名兩優釋褐別表于碑宗庠不容曠也諸生
礮石以請識于上方而第列其名既大書之特

書之固將屢書不一書而足也於藏休茲宗英
以文進以行成以賢且能擢豈直科目云辱哉

勲名志節光我邦家列選舉得人之盛昭學校
作人之功上追古昔吾將有望焉是歲十有一

月朔 四明袁肅記前廊題名 建宗學越四年復
吉 關覺字而列職以表倡諸生者其負有五舉錄

總要直學治凡白講曰課經論三人叅掌之非
行藝兼優不在此位也 今天子御極六年廣

開來學之路天支之肄業者日益多端槩獲於
前庶者任加重而聯事其間曾未有紀歲月滋

久懼寢湮微題名之立其容已乎惟宗庠分職
與胄監兩學畧同而所以任職者則異羣天下

之士教育於兩學而技其行能之尤者為之領
袖其律人也一於義若夫宗庠則負芟來遊皆

我兄弟伯叔之懿親親相與雖以義糾正而實
主乎恩然則處恩義之間欲兩得之厥惟難哉

外嚴而內寬本乎忠厚而濟以法度使相觀而
善之中不失所以歡然親睦之意庶幾愛敬友
感而能勝其任乎故因茲刻之始畧舉訓齊宗
室之要筆諸上方以諭于庀職者 紹定三年

歲在庚寅
九月既望

汲古堂

在立教堂後為學官直舍丞相文清李宗勉書
扁 咸淳六年守潛說友奉 朝命增修又自
殿門學門以至前廊位次倉庫吏舍皆葺新之

齋舍六

貴仁

立愛

大雅

明賢

懷德

升俊

按宮學元有四齋曰貴仁信厚大雅明賢

大學

在前洋街

理宗皇帝御書二字為扁

紹興十二年

詔禮

部討論太學養士法仍令臨安府權於府學措置

增廣遂置祭酒司業博士正錄定養士額十三年

六月臨安守臣王喚即岳飛宅建學成

互見國子監

詔禮部侍郎兼直學士院王賞為記

今不存賞喚集中亦逸

又括民間冒占白地錢為養士費

國朝會要云月得二千八百餘

貫朝野雜記云歲給監學生綾紙監帖

知穎州熊彥詩言

嘉祐治平太學中選者人給監帖畫以中旨右以贊辭告戒丁寧待之甚厚當時士人寶藏其

帖傳之子孫以為榮遇近於周縮得其父為監生時帖寫以文綾疊以監印如告身制度乞下國子

監依倣以給諸生以示
家待士之意旨從之

國十四年司業高闕等

請車駕臨幸 詔從之遂以三月己巳祇謁

先聖 止輦 大成殿門外禮畢 御廟化堂

命高闕講易泰卦 賜諸生席于廡下啜茶而退

遂幸養正持志二齋學官生負恩數各有差

越六日 內出 御製 御書 宣聖贊 命揭

置大成殿今釋奠則樂工數人歌之二十五年又製七十

二賢贊 親札付臨安府刻石

孝宗皇帝以 淳熙四年十月乙亥

寧宗皇帝以 嘉泰三年正月戊戌 臨幸如

三

咸淳臨安卷十一

七

馬士龍

紹興禮 淳祐元年正月

理宗皇帝將 視學首降 御筆陸周頤等五臣

從祀而削王安石曰 朕惟孔子之道自孟軻後

不得其傳至 我朝周頤張載程顥程頤真見力

踐深探聖域千載絕學始有指歸 中興以來又

得朱熹精思明辨表裏混融使中庸大學語孟之

書本末洞徹孔子之道益以大明于世 朕每觀

五臣論著御稿名沃良多今 視學有日宜令學官列

諸從祀以示 朕崇獎儒先之意又曰王安石謂

天變不足畏 祖 宗不足法人言不足信此三

語爲萬世之罪人豈宜從祀孔子廟庭合與削去
於正人心息邪說關係不小令國子監日下施行
廼以戊申行禮頒 御製伏犧以下道統十三贊
宣示諸生七年三月 御書朱熹白鹿洞規以賜
景定元年 內出 手札更定學令二年
今上皇帝在 東宮奉 命謁 先聖遂具 奏
曰恭準 聖旨擇用正月十五日令臣謁拜先
聖文宣王于太學臣仰體 聖心祇承 嚴訓區
區愚衷因有感發焉蓋 先聖之道至 我朝盛
時運際文明真儒迭起而後有以續夫孟氏之傳

然其時群說並駕未知統一迨 乾 淳間文公
臣朱熹與宣公臣張栻成公臣呂祖謙志同道合合
切惇講磨如義利之辨如近思錄之書擇精語詳
開牖後學忱有功於聖門中間邪說又幾晦蝕
陛下盛德龍興罷斥邪說表章正學然後人心一
正聖道大明天下學士得以沿河洛而溯洙泗實
萬世無疆之休熹等三臣嘗俱被 詔追褒特加
卹惠盛典兼準 御筆秩熹于從祀如祖謙栻謂
宜同升體例臣愚欲望 聖慈特降 睿旨併以
臣栻臣祖謙秩于從祀益以昭 聖明崇儒重道

之盛美所有封爵未審合與不合照典故檢舉施行有旨封棫華陽伯祖謙開封伯並列從祀迨聖上踐大寶當咸淳三年正月既郊見即舉行淳祐故事益菟講闕典先升侑曾子子思詔曰惟孔子獨稱顏回好學固非三千之徒所同也而其學不傳得聖傳者獨曾子傳子思子思傳孟軻忠恕兩語深契一貫之旨中庸一篇丕闡前聖之蘊而孔子之道益著向非顏曾思孟相繼演繹著書垂訓中更管商揚墨佛老幾何其不遂泯哉今大成殿惟顏孟侑食曾思不與尚爲闕典

先皇帝推迹道統之傳自伏羲以來著十三贊孔子而下顏曾思孟昭然具在其非以遺我後人乎令禮官學官議其可如曾子升侑併議可升十哲者以聞又從祀邵雍司馬光詔曰邵雍天挺人豪英邁蓋世司馬光有德有言有功有烈朱熹贊之與周張二程俱雍述經世書發先天奧旨而內聖外王之學實關吾道光著通鑑貽後世治法而真履實踐之美爲時儒宗豈與前代諸儒或以章句文詞得祀于學者比朕將臨雍因思朱熹所贊已祀其四而尚遺雍光非闕歟其令學官列

諸從祀以示崇獎至是褒表儒先典禮大備自

淳熙以來皆於禮畢降 詔訓勉諸生 聖化涵

濡聞者興起 紹興額三百人後數增置一千人

淳熙 開禧間各有增今為額一千七百十有六

上舍三十人內舍二百六人外舍一千四百人國子生八十人若 累朝繕修之

役不具載

大成殿

先聖冕十二旒服九章按洪天錫通祀輯略云今上庠 先聖之像有日月而無星辰有山龍

華蟲火彝而無藻與粉米有兩黻而無黼非虞非周殊不可曉則有司之失也參稽禮典以訂

服章之誤必有任斯責者

大成殿門

建隆三年 詔立十六戟 政和元年立二十四戟 紹興建學司業高閎等請依 政和之

數從之

首善閣

高宗皇帝御書三扁各有石刻又有 累朝

御札 御製並刻寘閣下

紹興十四年 幸學荅詔

宣王復古采芑著詠於新田世祖緯文建武肇

興於太學既撫紹開之運咸推樂育之心 朕

寅奉基圖廟崇教化稽前王之軌範遵 列聖

之規模茲偃革以息民乃恢儒而建學聲明丕
闡輪奐一新爾等摠望 幸之誠述諸儒之志
遠繼橋門之盛願觀雲罕之臨請既方堅理宜
從欲將 欵謁於 先聖仍備舉於舊章深諒

忠勤實增嘉歎

跋語
漫滅

淳熙四年 幸學詔

昔我

藝祖肇造 帝室禮樂征伐猶未皇暇乃 開
基之月首 幸國學越二月又 幸既宏先
聖先師之宇復審象而爲之贊本原治道厥有

三

咸淳臨安志卷二

十一

馬

深旨然則掃五季之陋削諸侯之僭垂萬世之
統不在斯文乎 列聖相承遂爲 家法 太
上中興開設學校 乘輿臨幸儒術益光肆
朕纂圖儲精稽古憲章祖述夙夜不敢忘爰以
仲春 謁欵 先聖躬釋菜之禮闡中庸之義
臣工列侍多士濟濟洙泗遺風儼然在目 朕
甚嘉之明揚 訓辭尚迪 朕志夫孝於事親
忠於事君學之本也業精于勤行成于思學之
序也聖賢復起不易斯言子大夫其念哉當爲
君子之儒毋慕人爵之得使 予尊德樂道之

心著化民成俗之效行光于祖宗對于

慈訓斯無負於樂育在汝等勉之而已叅知政

事臣龔茂良等恭跋臣聞道在域中惟聖人為

全功學之為王者事其已矣自堯舜以來宇

宙之間始曉然知有帝王之學如華星麗日萬

目所屬謂道以是傳而教所由興也堯以是傳

之舜舜謂是道也吾將與天下共之有虞氏之

上庠下庠蓋欲以是達之天下也禹湯文武亦

皆以其所傳者達之天下故夏后氏有東序西

序商人有右學左學周人則兼用四代之學是

故人倫以明典禮以行嗜好以平謠俗以成此

數者皆由太學來也國家開造之初藝祖

皇帝以峻極之羣生知之性視唐虞三代不約

而同故於逾月之頃再幸太學二百年來以

是為家法太上皇帝方投戈息馬之日

親行酌獻都人縱觀如再開闢皇帝陛下舉

縵典於三十年之後乃以春二月乙亥帥群后

公卿大夫國之胄子六卿之雋秀設席于前旁

逮兩廡命國子祭酒臣光朝講中庸又以是

日幸武學行肅揖之儀於殿盛哉獎勸多士

具于訓辭此為不刊之典是宜勒之琬琰以

嘉泰三年 幸學詔

朕惟開設學校以垂萬世之統恢崇儒術以追

三代之風粵稽我朝具存家法

藝祖建隆之肇造廼踰月躬再幸之勤

太宗端拱之承平以仲秋行款謁之禮宏摹

維永列聖攸遵

聞制曰可謹退而紀其事

高廟中興嚴 大成止輦之敬

孝皇繼志祗上丁釋奠之儀肆 朕眇躬纂茲

洪業雖鬱大道敢忘舊章貫古穿今每樂陪於

講幄承師問道曾未即於儒宮爰涓休成聿親

臨幸踵堂挾策紛鼓篋之生徒 賜坐橫經聳

御嫌門之觀聽載闡周書董官之訓慨慕成王持

盈之規治具畢張人文丕煥 予一人方崇化

以厲俗爾多士其傾心而嚮風莪莪而纓其冠

豈徒趨仕進之路翹翹而刈其楚庶幾收傑異

之材惟勉於忠孝以基爾立身之階惟篤於行

三九六 咸淳臨安志卷十一

十三

馬

義以副 予作人之術期不負於所學將無愧

於前聞叅知政事臣許及之等恭跋 臣仰惟

光撫熙運楸建皇極持盈守成兢業夙夜太平

之基增而彌高禮義之澤流而逾深庶事大備

區宇億寧年穀屢豐休祥洽於是審風俗之

樞機溯教化之源委將以作新人文爾迺嘉

泰紀元之三禩月於孟陬吉日戊戌夙駕 翠

華臨幸璧水三公九卿大夫士莫不成在簪

笏蕭如韋布襜如 親屈 帝尊 祗謁 先

聖紳紆乾顧肅揖武成止輦橫經之堂虛懷重

席之講演馬官之奧義昭制治之宏撫登進諸

生于 帝其訓 明綸誕播雷動風馳若睹若

聞鼓舞咏嘆咸以親見 聖王師之為幸皇乎

休哉誠闊希之鉅典動化之大權也臣誠不佞

竊嘗謂王者以潤色祖業為孝人臣以不負天

子為忠若稽 中興授受一道 高皇首幸於

建學之初 孝祖釋奠於上丁之日傳為 家

法有隆無替逮今五紀縹儀三見憲章鼎新為

道益昌 聖孝之盛 亘古莫及 若乃誦 王言 之大體 王心之一 孝弟以修身 仁義以事君 幼學壯行 出長入治 思所以塞厚望 稱 隆旨 則凡小大之臣 暨遊學之士 其敢不勉 是用慶 奉 戊戌 詔書 傳諸副墨 勒諸堅珉 期與 紹 興 淳熙 之懿 並垂永世 惟淺陋不足 以稱 述 萬一 臣 則有愧

寶慶三年 諭內外學官詔

朕親御路朝首興教化 士風所繫 尤務作新 比 年以來 習尚澆漓 文氣卑蕪 純厚與實 視昔 歉 焉 豈涵養之未充 抑薰陶之或闕 咨爾訓迪之 職 毋拘內外之殊 各究乃心 俾知所嚮 矯偏適 正 崇雅黜浮 使人皆君子之歸 如古者賢才之

淳熙臨安志卷十一 十四 馬

盛副 予至意 惟爾之休 國子祭酒 臣周直方

等恭跋 臣等仰惟 皇帝陛下 欽承道統 丕闡 厚文氣 尚早是訓 是革肆揚 親札下之 六館 爰及萬方 承學 臣工 聽服震聳 竊諗舊聞 實維 國朝右文 貴士 源委深長 太宗皇帝 以舉子 輕薄為文 不求義理 於是顯示 登黜 賜進士 以儒行之篇 孝宗皇帝 視學申諭 詞臣 誨迪 諸生 當為君子之儒 毋專人爵 之得 蓋古文漸 復於 景祐 慶曆 之先 經藝益輯 於 乾道 淳熙 之後 儒猷之盛 冠古 有光 無他 上諭而下 習教道 壹而風俗成也 粵自 先朝 幸更元化 並延鴻碩 之彥 復還義理之書 先民是程 典籍 盈門而多士 未能咸體 休德 純厚之行 典實之 文 視昔 歉焉 仰勤 皇上 惟新之命 臣等恭讀 聖制 載繹 隆指 蓋性習 寢異 氣質難齊 擇乎 中庸 會于有極 是謂 矯偏適正 言以述志 文以 成言 約以範模 澤於 道德 是謂 崇雅黜浮 臣等 大懼 無以稱 上意 迪士嚮方 謹刻 諸樂石 俾

副墨流傳皆知誦堯之言滌心傲省毋負明
時之作新臣等淺陋何足稱述萬分一敢百拜
稽首記
諸下方

淳祐元年 幸學詔

朕惟 元聖立教萬世人主北面拜跪登降執
弟子禮所以尊儒術彰文化也涼菲紹圖十有
八載屬多邊虞 欵謁之儀因仍未舉 朕甚
恧焉思昔英君過魯而祠投戈而講猶皆倥偬
之際我

太祖肇造日不暇給凡再莅國學

高宗中興庶事草創亦垂意 臨雍之典今三

陸候吏小息橋門多士翹首望幸 朕何敢有

所諉而遜以未皇哉乃於春孟 親饗 原廟

之次日詣 殿奠獻祇拜像設 躬視壁水登

延儒臣敷繹大學之旨搢紳韋布肅肅在列遠

想 淳熙 嘉泰之盛惟 朕茲舉率由舊章

匪曰粉藻美觀耳子大夫其思稱 朕意明義

理以求至善修文行以全良貴涵養忠厚砥礪

廉隅進取之學非所以自盡也詩云肆成人有

德小子有造古之人 無斃譽髦斯士其尚懋哉

右丞相臣史嵩之等 恭跋 臣等恭惟 皇帝陛下

咸淳臨安志卷十一 十五 馬

文稽式古典 淳祐 改元正月丙午下 明詔

戊申夙駕 鑿路祗謁 先聖釐正從祀 躋五

賢黜安石 臨視大學 薦紳衿佩 覲儀泳仁 肅肅

子祭酒臣 甯講大學 知所據依 精擇力踐 用稱

雅雅乃放 御製十三 贊于學 奎壁輝潤 晰

潛發微仰 教者學者 甚厚臣等 拜手稽首 端誦

明旨所以 加惠斯文 聖學之精 粹也 粵八卦九

章肇闡道 原前聖後 賢踵相授 受繇義至 周其

道行繇孔 至孟其學 明迄孟而 降申韓老佛 六

家九流之 說蝕人心 蠹道真大 經大法益 晦弗

章後儒始 作而曰堯 以是傳之 舜更禹 湯文武

周公孔孟 而不得其 傳信不為 無所見 抑窮源

會流之義 未備也 陛下識 洞高明 學誦宏 奧

當聖遠言 湮之餘 深挹遠 紹獨有 契于 聖心

乃克上 泝邃古 繼天立 極之原 下派 聖門 面命

心傳之 脉於以 迪化昭 代詒訓 方來 的乎 傳信

之符券 昭乎行 世之日 月也 昔漢世 宗黜 百家

尊孔氏 後世猶 亟稱之 方之 聖作 表章 經籍

西軒

咸淳臨安志卷十一

一六

馬

等愚陋不能輔宣 道化大懼失墜謹奉 詔

承 聖天子尊聞行知 之實 淳祐四年三月

御製 御書道統十三贊并序

朕獲承 祖 宗右文之緒祇適燕謀日奉

慈極萬幾餘閒博求載籍推迹道統之傳自伏

羲迄于孟子凡達而在上其道行窮而在下其

教明採其大指各為之贊雖未能探賾精微姑

以寓尊其所聞之意云爾○伏犧 繼天立極

為百王先法度肇建道德純全八卦成文三墳

不傳無言而化至治自然○堯 大哉帝堯盛

德巍巍垂衣而治光被華夷聖神文武四岳是
咨揖遜之典萬世仰之○舜 於皇聖德至孝
盡倫所以爲大樂善取人惟精惟一帝心之純
垂拱無爲堯道是循○禹 克勤于邦烝民乃
粒歷數在躬厥中允執惡酒好言九功由立不
伐不矜振古莫及○湯 順天應人本乎仁義
以質繼忠匪曰求異盤銘一德桑林六事人紀
肇修垂千萬世○文王 道被南國首正人倫
仁政一施必先窮民翼翼小心秉茲德純丕顯
文謨萬邦儀刑○武王 受天眷命繼志前人

遐邇悅服偃武修文惟賢是寶法度彰明建用
皇極爰叙彝倫○周公 美哉公旦翼翼輔成周
施兼四事才藝俱優制禮作樂惠澤敷流有大
勛勞宗社延休○孔子 聖哉尼父秉德在躬
應聘列國道大莫容六藝旣作文教聿崇今古
日月萬代所宗○顏子 學冠孔門德行科首
聞一知十若虛實有樂道箠瓢不易所守步趨
聖師矐若其後○曾子 守約博施反躬三省
孝爲德先祿仕不忍聖道正傳意會神領一唯
忠恕門人深警○子思 閒居請問世業克昌

可離非道矻矻力行發揮中庸體用有常入德
樞要治道權衡○孟子 生稟淑質教被三遷
博通儒術氣養浩然深造自得亞聖之賢高揖
孔氏獨得其傳紹定三年 聖製 淳祐祗謁
先聖就 賜國子監宣示諸生

咸淳三年 幸學詔

朕惟 我朝以人文化天下

藝祖肇基於首善之地獨先 幸臨實開 我
宋奎明之運 列聖率循業益大以光 先皇
帝在宥 臨雍講論表章正學菁莪樂育於斯
為盛 朕以涼菲獲承丕緒永惟天地萬物之

始 宗廟國家之本學校教化之原有天下者

莫先焉乃者 初見 郊 廟罔不顧歆惟

元聖立教與天地並人極攸建萬世是師隆禮
致敬其曷敢後爰以孟春 謁欵 原廟之翌

日 躬拜舍菜于太學禮成俾儒臣執經敷繹
中庸之義方領矩步委蛇乎其中甚稱 朕所
以崇嚮之意夫學以明人倫也其為目有五而
為孝為忠迺倫所由起牖于天衷率于秉彝聖
人作經壹是皆以此為準士惟先立乎其大者
而輔之以文則措諸事業有餘地矣詩不云乎

追琢其章金玉其相又不云乎藹藹王多吉士

維君子使 朕將培養以為無窮之用子大夫

尚勉之哉右丞相臣賈似道等恭跋臣等恭惟

敬 天尊 祖崇學右文廼 咸淳三年正月

己丑朔 祇見于南郊戊申 臨辟雍 謁

元聖永惟 先帝御製十三贊道統之傳具有

次第爰灑 奎畫陞侑曾子子思與顏孟並先

漢設學以來千五百年之闕典於是歸昭昭乎揭

休哉明大原之授受示後學之指歸昭昭乎揭

日月而行萬世也已乃 御崇化堂命臣宜中

講中庸冠帶搢紳閭閻秋 秋洗視浴聽於是誕

敷綸言具訓爾士 帝意若曰學所以明人倫

而倫實起於孝忠士 先立乎其大而大可措諸

事業臣等端笏跪讀拜手稽首而言曰仁親親

為大義尊賢為大立愛立敬聖人人倫之至也

陛下資兼帝王學貫體用繇親親之等而仁民

愛物繇尊賢之推而敬大臣體羣臣夫既有以

立天下之大本矣將見立之斯立人知孝於親

而父子之大倫立人知忠於君而君臣之大倫

立自是而達之五者之大倫無一不立則措之

事業皆可大之業也大哉 王言世為天下則

光堯石經之閣

孝宗皇帝御書扁 淳熙四年 詔臨安府守

臣趙璠老建閣奉安石經以墨本真閣上

御書石經

易詩書左氏春秋禮記五篇中庸大學學論語

孟子

御製 宣聖七十二賢贊并序紹興二月十六

察言望 詔有司奉安石刻于國子監為不朽之傳仍造碑本徧賜州府軍監學校用彰右文之化從之

朕自睦鄰息兵首開學校教育多士以遂忠良繼幸太學延見諸生濟濟在庭意甚嘉之因作文宣王贊機政餘閒歷取顏回七十二人亦為製贊用廣列聖崇儒右文之聲復知師弟子間纓弁森森覃精繹思之訓其於治道亦庶幾焉○孔丘字仲尼魯人開元十七年謚為文宣王贊曰大哉宣聖斯文在茲帝王之式古今之師志則春秋道由忠恕賢於堯舜日月其

譽惟時載雍戢此武功肅昭盛儀海宇聿崇○顏回字子淵魯人贈兗國公贊曰德行首科顯冠學徒不遷不貳樂道以居食埃其忠在陋自如宜稱賢哉豈止不愚○閔損字子騫魯人贈費侯贊曰天經地義孝哉閔騫父母昆弟莫間其言污君不事志氣軒軒復我汶上出處休然○冉耕字伯牛魯人贈鄆侯贊曰德以充性行以澡身二事在躬日躋而新並馳賢科得顏為鄰不幸斯疾命也莫伸○冉雍字仲弓魯人贈薛侯贊曰懿德賢行有一則尊子也履之成性

存存駢角有用犛牛莫倫刑政之言惠施元元
○宰予字子我魯人贈齊侯贊曰辯以飾詐言
以致文苟弗執禮宜莫釋紛朽木糞墻置不足
云言語之科燁然有聞○端木賜字子貢衛人
贈黎侯贊曰謙德知二器實瑚璉動必幾先孰
並其辯一使存魯五國有變終相其主譽處悠
遠○冉求字子有魯人贈徐侯贊曰循良之要
在於有政可使爲宰千室百乘師門育才治心
扶性退則進之琢磨之柄○仲由字子路卞人
贈衛侯贊曰升堂惟先千乘爲權陵暴知非委

質可賢折獄言簡結纓禮全惡言不耳仲尼賴
焉○言偃字子游吳人贈吳侯贊曰道義正己
文學擅科爲宰武城聊以弦歌割雞之試牛刀
謂何前言戲爾博約則多○卜商字子夏衛人
贈魏侯贊曰文學之目名重一時爲君子儒作
魏侯師不可復禮始可言詩假蓋小嫌聖亦不
疵○魯參字子輿武成人贈邾伯贊曰夫孝要
道用訓羣生以綱百行以通神明因子侍師答
問成經事親之實代爲儀刑○公西赤字子華
魯人贈郕伯贊曰學者行道敝緼亦稱使齊光

華偶爲肥輕周急之言君子所令答問允嚴理
皆先經○公伯寮字子同魯人贈任伯贊曰人
有賢否道有廢興子如命何營營震驚庶孫雖
感景伯莫平師賢一言秩祀亦懲○漆雕開字
子開魯人贈滕伯贊曰仕進之道要在究習其
臣而居咎欲誰執斯未能信謙謙有立闕里說
之多士莫及○南宮适字子容魯人贈邾伯贊
曰先覺旣立禮樂並馳尚德君子爾乃兼之羿
稟可慙禹稷可師三復此道載觀白圭○申振
字子續魯人贈阿伯贊曰剛毅近仁志操莫渝

性匪祝鮀面豈子都有一於此剛名可圖云欲
則柔蓋生之徒○原憲字子思魯人贈原伯贊
曰軾彼窮閭達士所遵邦無道廢進退孰倫敝
衣非病無財乃貧賜雖不懌清節照人○有若
字子有魯人贈卞伯贊曰人稟秀德氣貌或同
而子儼然温温其容兩端發問未達機鋒以禮
節和斯言可宗○司馬耕字子牛宋人贈汶伯
贊曰手足其親志異出處雖將爲亂子廼脫去
在污能潔危而有慮內省若斯何憂何懼○顓
孫師字子張陳人贈陳伯贊曰念昔顓孫商德

與鄰學如干祿問必書紳參前倚衡忠信是遵
色取行違作戒後人○高柴字子羔衛人贈共
伯贊曰婉彼子羔學業先聖宗廟之間一出乎
正克篤於孝非愚乃令師知其生有輝賢行○
陳亢字子禽陳人贈穎伯贊曰惟禽之間從容
其鯉求以異聞詩禮云爾請一得三誠退而止
且知將聖不私其子○樊須字子遲齊人贈燕
伯贊曰養才以道聖人兼濟始謂不仁問學良
喜寓志農圃似揆仁義學稼之辭豈姑捨是○
林放字子丘魯人贈清河伯贊曰禮之有本子

能御舊問名大哉斯言光昭明訓德輝泰山誣祭莫

奮崇茲祀典蓋永令問○公治長字子長齊人

贈莒伯贊曰子長宏度高出倫輩雖在縲紲知

非其罪純德備行夫子所美以子妻之尤知英

槩○蘧孝宗舊名字伯玉衛人贈衛伯贊曰有衛伯

玉夫子與居寡過未能荐贊使乎以屍諫君友

則史魚果能進賢爛然簡書○澹臺滅明字子

羽武城人贈江伯贊曰惟子有道天與異容狀

雖云惡德則甚豐南止江沱學者雲從取士在

茲貌或非公○曾熾字哲魯人贈宿伯贊曰惟

時義方有子誠孝怡怡聖域俱膺是道暮春舞
雩詠歌聖教師故與之和悅宜召○宓不齊字
子賤魯人贈單伯贊曰君子若人單父之政引
肘寤君放魚稟令傳郭勿獲遂能制命百代理
邑用規觀聽○顏無繇字路魯人贈祀伯贊曰
人誰無子尔嗣標奇行爲世範學爲人師請車
誠非顧匪其私千載之下足以示慈○巫馬施
字子期魯人贈鄒伯贊曰天清日明密雲曷有
師命持蓋子亦善祐惟夫子期三才充究學者
之藥所得遂茂○商瞿字子木魯人贈蒙伯贊

曰易之爲書彌綸天地五十乃學師則有是子
能受授洙泗傳世知幾其神宜被厥祀○公孫
龍字子石楚人贈黃伯贊曰黃伯著祀公孫是
云彌縫中道協輔斯文藏修方異漸漬其勤史
辭不忘播爲清芬○廉潔字庸衛人贈莒伯贊
曰兄弟之邦士有廉庸涵泳素教表揭儒林杏
壇探賾洙泗從容作興一時莒父其封○叔仲
會字子期魯人贈瑕丘伯贊曰瑕丘祚邑子期
是爲親訓有日廣業于時四教允隆五常以持
比肩俊傑聞望斯垂○燕伋字思秦人贈漁陽

伯贊曰師席高振大成是在至道克傳賢達斯
執善教之柔儒風可立漁以之士得歧而及○
申黨字周魯人贈邵陵侯楚曰侁侁申周四科
與儔逸駕文圃鼓柷儒流冠佩既燕言動允休
邵陵得封子想清修○琴牢字子開衛人贈南
陵伯贊曰多能鄙事聖人曲意惟其知之是以
不試宗魯雖友吊必以義尚師嘉言祀亦罔替
○秦商字子以楚人贈上濟伯贊曰孔父孝友
相尚以力俱生賢嗣相與以德是父是子致法
疇克會弁儒林令名無極○步叔乘字子車齊
人贈淳于伯贊曰勉勉子車封邑淳于親炙避
席唯諾趨隅發問既博雅道是扶抑可尚也不
亦美乎○顏之僕字叔魯人贈東武伯贊曰賢
行顏叔親承尼父志銳於斯道尊是輔泥在陶
鈞木就規矩終縻好爵揚名東武○公西箴字
子上魯人贈祝阿伯贊曰猗爾子上魯邦之望
以德則貴惟道是倡師聰師明友直友諒伯於
祝阿儒風斯暢○石作蜀字子明秦人贈石邑
伯贊曰在昔石邑能知所尊懋衣有德克述無
言鼓篋槐市場名里門此道又親彼美長存○

顏高字子驕魯人贈瑯琊伯贊曰瑯琊之伯其
為子驕微言既彰德音孔昭已觀雩舞同聲聽
韶歷千百禩跂想高標○邾巽字子欽魯人贈
平陸伯贊曰彼美邾子先聖是承墻仞已及堂
陛將升良玉斯琢寒水必冰錫壤平陸茂實斯
騰○任子齊字選魯人贈任城伯贊曰任城建
伯其表曰選淑問雅馳才華清遠競辰力行愛
日黽勉禮教崇崇令望昭昭○曹邨字子循秦
人贈曹伯贊曰肅肅曹伯王室之裔積習樂道
切琢明義惟善則優素德是類史筆有煥令名

永祀○冉孺字子魯宋人贈杞伯贊曰杞伯子
魯聖學是務厲已斯約好問乃裕周御中規容
止可度允矣昔賢後世所首亦○伯虔字子析魯
人贈駢伯贊曰有虔子析全魯之彥儒行既明
駢伯乃建兢兢受道奕奕或弁懿選嘉訪世享
馨薦○縣成字子祺魯人贈鉅野伯贊曰至聖
立教子祺安雅擅譽魯邦御祚鉅野偉矣風猷
時哉用捨出倫離類後學或天假○顏噲字子聲
魯人贈朱虛伯贊曰褒錫或虛在噐輪輿儒室
振領聖門曳裾賢業素蘊或大材以攄萬世不刊

載觀成書○孔忠字子茂魯人贈汶陽伯贊曰
惟子挺生道德之門佩聽至論鯉門弟昆三得
三知所問深溫君子歸服義不掩恩○后處字
子里齊人贈營丘伯贊曰溫溫子里入聞至聖
覽道之華秉德之柄深造闢域不乖言行全齊
之封竹素爲盛○左人逞字行魯人贈臨淄伯
贊曰伯彼臨淄左行獨賢晞蹤十哲秀穎三千
心悅誠服家至戶傳樂只君子文聲益宣○公
哲哀字秀次齊人贈郕伯贊曰周衰僞隆政出
羣公廉耻道微家政聿崇不爲屈節撝默自容

子於是時凜然清風○漆雕徒字子斯魯人贈
湏句伯贊曰遐想子斯挾策聖幃涉道是嗜唯
仕可斯在德乃賢在名乃垂洋洋之風逮今四
馳○榮旂字子旗魯人贈雩婁伯贊曰伯錫雩
婁務學實著三千之徒七十是賴歷告莫行惟
德乃據視于前書式彰厥譽○秦祖字子南秦
人贈沙梁伯贊曰秦有子南贊贊述作守道之
淵成德之博範若鑄金契猶發藥歷世明祀沙
梁寵爵○秦非字子之魯人贈汧陽侯贊曰樂
善哲士伯于汧陽傳道克正垂名允臧執德以

洪用心必剛衰廣業履式彰素王○商澤字子季魯人贈睢陽伯贊曰邈矣子季睢陽是伯屏息受業延教登席未踐四科固涉六籍祀典載之好是正直○鄭國字子徒魯人贈滎陽伯贊曰伯夫滎陽實惟令德俊義賢行過不留跡道以自傳妙則心識猗歟偉歟後代之則○顏韋字子柳魯人贈蕃伯贊曰祀封于蕃實惟子柳夙斂格言克尊善誘明德惟馨賢業所就大侑於儒傳芳逾茂○漆雕哆字子斂魯人贈武成伯贊曰子斂受封爰居武城豐豐其問翩翩其

英樞衣時習厥學日明誕敷禮教爵里增榮○壤駟赤字子徒秦人贈北衛伯贊曰式是壤伯昭乎望徒執經請益載道若無詩書規矩問學楷摸得志則駕領袖諸儒○施之常字子恒魯人贈乘氏伯贊曰國因乘氏有德斯彰叅稽百行贊理三綱自拔行間榮名甚光在史靄靄歷久彌芳○公祖勾茲字子之魯人贈期思伯贊曰惟彼子之錫作期思與賢並進得聖而師彬彬雅道翼翼令儀一日王言廟食不隳○狄黑字哲衛人贈臨濟伯贊曰仰止狄哲抱負淵通

游泳德化揚厲素風偉識既異特教乃隆厥知
茂焉宓祀無窮○奚容箴字子哲魯人贈下邳
伯贊曰奚容子哲已望堂室幼則有造成則祖
述文采日化儒効力弼永觀厥成德音秩秩○
冉季字子產魯人贈東平伯贊曰東平子產姓
著盛時奉時於塾講道之微答問其敏淵妙以
思升降陞廉尚想英姿○秦冉字開蔡人贈彭
衙伯贊曰彭衙高氏經籍是親贊成德藝叶於
彝倫底績聖道期肖素臣優哉優哉學以致身
○梁鱸字叔魚齊人贈趙伯贊曰室家壯年無

子則逐見於信史全齊之俗原本厥初師之何
復以學則知揆之宜篤○樂欬字子聲齊人贈
昌平伯贊曰樂氏子聲錫爵昌平信道之篤見
善迺明引領高爵載惟昌城先賢聿集出為時
英按洪邁隨筆唐開元中對孔子為文宣王顏
子為兗公閔子至子夏為侯群弟子為伯
本朝祥符中進封公為國公侯為郡公伯為
太上帝御製贊七十五首有司但具唐
爵故宸翰所標皆用開元
國邑今當請而正之可也

崇化堂

元用司業高閑請仍東都講堂舊名曰
崇化後改崇化慶元初改化原未幾復

今名

理宗皇帝御書扁堂上有

御札 御製石刻

景定元年更學令 御札

朕於菁莪樂育之仁豐培滋久登膺仕著休聲
多由此途出數年以前間有聚為朋曹墮窳敗
業而不能退然自充者豈作人之道猶有闕乎
時學官以更定學法來上稍示規益本為一二
蹈于匪彝者設也邇來涵濡德義莫不自待以
厚 朕甚嘉之前是所定之法獨於進取一途
尚狹未足以快飛躍之適今從其厚用著為令
爾諸生其益務自脩以副 朕崇尚作成之美

通鑑

咸淳臨安志卷一

二十一

馬

意敬聽毋忽國子祭酒臣江萬里恭跋

臣聞天

植物哉者培之自拱把合抱以至于聳壑昂霄
無不能盡其材者此天地成物也 本朝
聖開設雍庠士出此途蔚為棟光 明碩大與
國無窮所用得於所養如鶴鳴子和聲與響隨
設遇緩急之機否臧之決油然忠愛不能自已
於中而平時自淑身心不使有一毫出於規矩
尺度之外教養之功於斯為盛恭惟 皇帝陛下
以造化施生之仁續 祖宗新美之澤祥
風時雨披拂涵濡與舜帝之欲並生文王之有
德有造壹是隆厚肆念我多士比年體承愛教
隆指重厚自將宜有以崇而厲之 奎札天頒
著為功令廣升秀以示旌淑塗轍夷易安安而
進可坐銷於躁競用養成於貴肆斲我多士亦
孔之厚臣夙列佩衿茲叨領袖大懼弗克奉宣
謹帥其屬拜手稽首紬繹 帝訓而颺言曰乾
坤宗子視均氣同體之秀即其家之秀子弟不
啻琪林珍木欲其茁於庭階精神風采維喬維
條所以瑞 我家而昌氣脉也既銷其蠹加漑

其根愛護涵養一稱乾坤崇廣之造此本朝
所以收人物之報者固有想之道焉金玉歌躬
不忍怙家庭之寬厚而自律愈嚴洋洋飛躍之
中齋栗一心如臨父母此弟子所以答揚慈
訓而報萬分也同志勉之
惟謹敬勒精琰恭書下方

御書朱熹白鹿洞學規

父子有親學規不國子祭酒臣張璠恭跋臣等

皇帝陛下天資超古聖學探微事關人倫之
常首務脩飭道出聖傳之正必示表章迺
祐七禩三月丙辰內出御書白鹿書堂揭
示賜國子監首之以五教之目而所以學之
之序其別亦有五繼之以篤行之事而所以行
之之要其別則有三宸章鉤畫之妙爛乎下
飾先儒標次之旨闡之益明臣等拜手端誦作
而歎曰皇乎哉上聖扶植綱常開迪後學之
丕矩也載惟白鹿洞之始有聞於皇朝也驛
賜九經昉於太平興國先聖塑像昉於

咸平書堂得名昉於皇祐前之明起後之孫
琛或侈旌嘉儒學之寵或擅士子來游之盛然
學之端緒方啓道之本統未章迨先儒朱熹闡
教是堂其學務於明誠兩進敬義偕立於是研
覃道體緝叙聖言要使學者講明義理先於脩
其身用以推諸人彙列於分關抽鑰啓聖賢誨
人之方至是乃底明備無復遺憾然條貫雖竟
統會固存旌別宣明不能無待陛下探曠道
妙垂意化原知斯人逸居無教雖堯舜不能不
憂知窮理數條乃孔氏所傳格物致知之心法
知篤行三要皆聖賢教人以擇善固執脩身治
人之大端舉其綱而目張振其領而裘挈是庸
顯設藩飾于以風動教化以其開迹於偏方者
施之乎同軌同文之遠以其在下而教明者極
之於在仁祖昌之道而行然則舉遠致廣而盡精
真皇仁祖昌之道而行然則舉遠致廣而盡精
微則不得歸之立正誼明道之言武帝幸與
心剛如董仲野能立正誼明道之言武帝幸與
同時乃不能表其言而顯其人雖復黜百家尊
孔氏而綱要之未明政亦奚補曷若陛下今

日之舉教詔以示之指歸挈提而導之從入規
範昭揭體用具明於作君作師之道真不可尚
已臣等抃蹈欣贊之餘謹請勒之翠珉期與多
士服膺請事以欽承 聖天子尊德樂道垂世
立教之意

監學官題名

在堂之左右長樂劉季裴記餘杭虞似良書道乾

二年夏四月監學題名成始題名也兩學俱隸
於監祭酒秩四品司業六品常擇威重有行實
者為之掌凡監學之教令與其政治其屬博士
專掌鼓篋孫業之事國之公卿大夫士之子弟
與夫四方之選士學焉正錄佐博士以施教典
稽其功緒糾其德行考其才藝書其如法者識
其不如法者以達于博士博士以聞于祭酒司
業而升黜之故均謂之學官監有丞以治簿書
令財賦其次有簿凡監之小事聽焉此其大畧
也今夫有職必有事由國子監而上秩高而選
精則職事愈繁故語職優事簡往往必反曰學
官學官無他吏責惟專以傳道授業論古今成
敗考諸儒同異為事羣居侃侃如在洙泗此固
可樂也季裴職在東膠敢志其所始太學成於
紹興十三年武學成於二十六年凡任祭酒者
八人司業二十人國子太學武學博士合四十
有六人丞十有八人簿十有六人正錄武學諭五
十四人先是筦書庫為者凡十人今不復置皆
以年月先後為之序
庶來者得以次列云

學官位

在崇化堂之後東西為祭酒司業位兩廡則國

子太武學博士國子太學正錄武諭位凡十登

科題名列于楹間國子祭酒高文虎記進士高

皇帝受天祿命系隆 我宋乾御雷動 駐蹕
東南維 建隆肇基 八聖繇統 凡所以儲大

器業振勤豪英昌乎登用盛乎維持者率根之
 庠校精於教育首
 置弟子貢名御飭命學官鑾輿講周易泰卦於幸兩齋
 御崇化堂名御飭命學官講周易泰卦於幸兩齋
 者靡然向風明聖相承授受一貫道關諸訓迪
 誠有加焉昔者建武中承授受一貫道關諸訓迪
 大業而系堯緒者皆以漢東都何愧而東都士多
 之自本朝之盛眎漢東都何愧而東都士多
 至人三萬范曄所傳若岑暄何顥符融并丹服
 度高彪梁鴻孔僖以下僅十餘人記錄之闕繫
 乎體者如此繇紹興以來五六十年士之入
 太學以萬計而擢科第者千有七百八十六人
 如雲如川方興未艾弗有棄勒以詔來者寧止
 如漢史氏闕然莫訂抑何表章以詔來者寧止
 衆俊興建太平之明驗大效迺倣蜀左生故
 事為太學登科記此國子錄吳君仁傑之志也
 文虎以二年元日蒙恩拜少司成越二日五日
 詔參詳南宮時預典貢舉以下奉越二日五日
 得器識渾厚議論正平之士副異時公卿大夫
 選唯賴協意悉心精加衡鑑網羅實才毋使浮

夸輕躁者冒吾名器文虎竊自思念學校之養
 士科舉之得人與立國之道表裏經緯至于刑
 諸聖謨形之戒則士亦盍自省矣蓋國家間
 暇廣於緝熙時方艱難勇於經濟此學之所由
 興而士當侈于歸美故荒嬉精勤之戒韓愈以
 詢諸生以公滅私之言周官以告多士今位乎
 監學隸于齋舍者相與守此則題名之作豈特
 美人才衆多而已詩曰豐水有芑武王豈不仕
 詒厥孫謀以燕翼子凡我有志尚其國子錄吳
 勉之慶元三年二月二十三日尚其國子錄吳

仁傑記釋褐得國家取士之制其選之愈艱則所
 大科異等若制舉若宏博之科若南宮進士之

首冠與夫臚句所傳上之三人者是已
 皇帝設三舍以造士於是又有舍生優選出
 焉非長才秀民國士天下士不在此選故一旦
 嶄然自奮於塵滓與溁之中其道之章聞聲
 望之振起莫不光明儔倬表表人上其仕也至
 於橫翔捷出馳清騫華都卿相之位極文儒之
 選而天下不以為過惟其素所蘊蓄與其自

植立者有大鎮服之也凡三歲大比拔進士
之尤者大都不過四人宏博之科多不過五人
雖間缺不取亦時時有之惟制舉不常有而上
舍優選亦不常有方其徠天下之英而羣試之
有司求可者而陞之必然後得入太學又謹察其
行藝之可者而陞之必然後得入太學又謹察其
而占優等然後得為兩優其躋攀分寸累而弗
隊者不一二敗於垂成者皆是也蓋自元豐
至崇寧得一人焉曰張相按元豐初令上舍生
上等中選者取旨推恩不與他等故或以階
眠匠監丞而參賓幙或以初品京秩而官學省
皆異恩也雖方正茂異反不及焉所以重
子之學抑以其行藝之素月積季選之艱得
之精而然與夫國之養士猶山之養才也榘
豫章干雲之竒材自拱把而至於尋抱其養之
也至矣其所成之也乾道紀元之三年歲在豕
之美固其所也
太學之立兩星終矣紹興天子駿惠先烈作
成人材以遺聖子神孫百年之用者其効始見

前廡

是歲太學以上舍優選聞有旨推恩如崇
寧二年故事祭酒博士而下即崇化堂集諸
冠帶立東西序奉詔黃賜之釋褐播笏稽首
謝恩於庭下一時歆豔其榮繇是兩學之士
益萃厲脩飾以趨前此未有可書也而已四
者以人得士之盛前此未有可書也而已四
公科級題名鑑之重下兼大司成既合進士
舍復科別其人而碑之婁書特書以侈一時
也且以厲學者命仁傑識其事以不能辭公
盛則慶元三年四月五日較如

舉錄直學位各二學諭位八教諭位一國子祭
酒鄭起潛記題名網必有綱絲必有紀太學羣

紀之意也舉錄二頁與正錄通治其事學諭以
下隸焉學諭八頁敷經訓命課題長諭以下隸

馬諸生書行藝于籍季終以其可選者考于學
諭又十日考于舉錄而後上于博士直學二員
司出入之禁周知來學之數而察其踰矩者十
五以下入小學則置教諭一員以教之斯其大
凡也 建炎駐蹕吳會 紹興十三年立太學
今一百有二年為舉錄者一百一十有四人學
諭四百九十有八人登巍科都顯位前後相望事業
偉然而碑題未立來者無所考乃命舉錄劉實
甫范處義鳩工礱石萃其名氏州里序其後先
大書深刻列于崇化堂之左夫自補弟子員而
階舍級陞前廊涉歷深矣必業精行成資望俱
重始稱其職近制考其滿歲者上之部錄其年
勞所以勸也未仕而不苟他日之事業占焉繼
自今居此位者于前有光是所望也
淳祐四年甲辰歲春正月既望

齋舍

始建學為齋十曰服膺禠身習是守約存心允

蹈養正持志率履誠意今改善續增七齋曰觀化

貫道務本果行崇信今改篤信時中循理皆米友仁

書扁 紹興二十七年周綰為祭酒又請增置

三齋曰節性經德立禮張孝祥書扁齋各有樓

揭題名于東西壁聽之左右為東西序對列位

次後為爐亭又各有亭宇揭以嘉名

服膺

得善

仰高

登瀛

禠身

猗綠

斗光

綠光

習是

龍首

桂榮

雲津

守約

雲端

存心

斗魁

延桂

允蹈

叢桂

龍雲

養正

龍津

高宗皇帝幸學之明日降 詔曰 朕以兵

革之後創建太學特為 臨幸至養正持志

二齋詳觀諸生硯席之游誠嘉多士文學之

集所幸二齋長諭已免解人特與免省未免

解人與免解其學生並與免將來文解一次

持志

雲堦

幸學詔書同養正中大夫周直方記齋壁受宋

天命五緯躔奎人文化成國以儒壽帝學更

建時惟 中興 大輅鳴鑾 聖皇莅止 廼
瞻持志 賁如 濡如 豐芑之仁 涵育數世 弼從
魁傑 聲光 燁然 意盛矣 夫今左丞相鄭公以

至公大忠冠位台宰蓋兼有甘盤傳說之美
端平相業厥惟懋哉舍選收科實於此焉出
綠幕舊游九鼎大呂重矣百年壁記石久而
泐爰用改爲以詔來者詩不云乎高山仰止
景行行止凡我同志載瞻載咏母但詡明經
之青紫侈稽古之印綬焜耀時人之耳目而
已其益弘道德充氣節學顏之學志伊之志
以溯公之盛心趾美嗣芳如川方至大書婁
書將不一書茲固邦家之光非直齋序
之榮也尚克勉旃

節性

龍光 衆綠

率履

龍魁 泰軒 和至

慈湖楊簡書和至

率履有重屋銘曰和至履
行也行乎世交際應酬相

五十一 咸淳元年卷十一

親相敬可謂和已易曰百姓日用而不知孔
子語子思曰心之精神是謂聖孟子曰不知仁人
心也和者心之精神而不可見猗歟至矣同舍
矣精神日用無體而不可見猗歟至矣同舍
每晨鳴版會揖至矣相與笑談不勉不思至
矣易曰履和而至灼然必有事於芸苗
毋尚疑於聖訓孔子曰改而巳改而巳改而巳
無復他爲用力於仁改過而巳改過而巳改過而巳
之妙猗與至矣

明善

雲章 栢臺 文光

經德

梯雲 魁龍

紹興中 京都相傳有夢經德生負爲省試

第一者已而增創三齋 乾道丙戌何澹遂

由經德冠南宮有詩刻石紀其事又為書其

齋顏傳詩曰太學中興七十年續添經德夢先

倪思和經德名齋父歷年名齋之意至今傳

不回非以干榮祿欲使瞻之在目前恢展規

摹勝昔年延恩感夢作詩傳大書三字高題

榜氣象更新不類前膠庠重建中興年英俊

如林以道傳舍選衰然優

占上倫魁行矣競光前

循理

雲升 登龍 參前

慈湖楊簡書參前 子張問行孔子告以言忠

前在與則見其倚於衡夫所見者何也言而

忠信實直無他無意也無說也行篤敬無敢

慢敬而已矣無意也無說也此無意無說之

妙虛明純白曾子曰皜皜即文王不識不知

即孔子曰吾有知乎哉無知也即孔子曰純

德孔明易曰光大曰輝光曰光明書亦曰光

詩曰學有緝熙于光明皆謂如日月之光無

思無為而無所不照知所謂見者見此也此

見非思非為動意焉則支則離則放逸則怠

時中

聚星

番易程宏圖記大魁光齋 擢第而燕同舍生

下士者踵為之又光之尤也中興建學垂
四十年由時中仕者幾二百人而魁天下士
者於今有四日設席于風雲慶會之閣三
大魁寔與焉凡舊游之官于中都者二法從
衆宰士太史而下惠然借徠道義相忘序以
齒不以官樽俎肆陳獻酬有度歡乎其意親
燦乎其文接於穆乎中和之至也矧皆抱負
挺特唯遠業是期固將先後為時用至若江
夏父子椿桂同芳王吳弟兄棣萼輝映一時
榮之酒且酣咸謂茲盛事屬宏圖識之曰為
賦曰盛燕開同舍新榮慶揆庭紫荷聯從橐
黃甲聚魁星鐘鼎心俱壯金蘭眼倍青舉枉
相屬意接武上青冥峇淳熙八年夏四月
十也三大魁王佐詹駉黃由餘姓名不悉

載姑蘇黃由記聚星

紹熙四年中秋前一日

由云琪適長時中因其齋之前間地為臺名
曰聚星願書其額併為識之由問所以名之
之因則曰中興置學以來士之耀斯世者
相踵是齋又妻魁多士子擢辛丑第在朝諸

公相與賦詩嘗有黃甲聚魁星之句今扁之
爐亭可攷故取以名吾臺備前美勉後進也
由復之曰昔人以賢人君子比於列星謂其
德性清明行實光大耳國家教育之本意固
將俾講繹理義變移氣質剔昏立懦懋既厥
實匪但欲其鈞聲問躡科級而已今夫人之
貴與天地並然自動靜相生五氣順布剛柔
參差美惡不齊儻稟其偏自克弗果亂常外
次終身病焉誠能循本反初一出于正則三
光五嶽之全氣皆備乎我英華燁然而為文
中和粹然而為福此聚星所繇以名也吾同舍皆
盜然而為秀而六經孔孟之訓以及聖朝諸
儒之所發揮本末具舉炳炳垂世朝夕於斯
是究是行意欲少適則徜徉乎臺之上或游
或休或默或語或語滌滌物累涵育善端風雲之
趣千古同意異時出為世用歷奎壁騎箕尾
左右天極使人望而知敬不益光于前乎曩
日敢不勉於是

次其語繞于石

篤信

龍斗

桂臺

狀元宰相二亭

果行

聯魁

龍角

務本

彙征

貫道

參首

巖瞻

唯軒

龍門

觀化

桂臺

拱奎

倫魁宰相二亭

反河圖安志卷二十一

四十一

馬

莆田鄭玠記宰相倫魁題名于壁

宰相倫題名

始公為觀化諸生有老奚夢龍游戶外蛻契
 壘水中旦視則公盟焉遂朝夕謹奉之至今
 猶能傳道舊事者端平三年九月乙卯以
 資政殿學士即家拜右丞相制下百官相
 慶於庭士相慶於學天子手書趣上尚書
 勅中使乘驛馳四千里起之辭明年出尚書
 郎懷他郡印綬往論指又辭蓋公於是年
 八十矣方公出藩入從事茂陵三十年厚
 德雅量聞於天下容絕交中朝無如狀也還
 處南海無齊阿之容絕交中朝無如狀也還
 然自殆溫國居洛之所未見公其有以過人
 歟昔叡聖武公之相也年且耄矣國人為之
 歌淇奧傳大學者曰有斐君子如切如磋道
 學也如琢如磨自脩也又曰有斐君子終不
 可誼兮道盛德至善民之不能忘也學之不
 講德之不脩而欲人之不能忘烏乎悞矣今
 天下之望必曰崔公上獲於君下信於民然

則公之所獲所信終焉不可忘者夫豈徒哉
 夫豈徒哉吾鄙群居而彙處朝師傳而莫友
 習切之磋之琢之磨之母以校豪妙獵聲稱
 為也於是相率揭公之名既為吾鄙光又為
 吾鄙勸嘉熙三年正月○倫魁題名紀觀
 化之盛也昔在東都嘗通齋登進士第人
 目之曰渾化蓋科目之盛尚矣錢塘建學百
 餘年其擅魁壘則集英有喬禮部有陳以兩
 優解進士褐有顏有集英親策上三人最貴
 士本朝益加貴故事新進士賜第贊者
 太學以兩優選亦貴黃繖臨軒二府大臣
 以禮部進士見稍退龍墀前第一人獨班
 奉文卷凡上天子親第其文上句下臚眾
 中問姓名衛兵掖至親第其文上句下臚眾
 謝其二三人並班謝還就廊廡賦詩同年生
 已改眎矣蓋唱第之榮也中興初三舍仍
 舊法校試再登優者官以承務郎職以學正
 錄淳熙釐革猶用第二人例補授解褐之
 旦祭酒率博士以下序立新進士衣故褐徐
 出諸生中拜勅崇化堂下還即笏綬與祭
 酒博士列拜堂上亦解褐之榮也自秀選俊
 造之論廢所謂進士者藝之末也雖累千萬
 人得之者猶藝也然而上之人固榮之貴之
 非以榮貴其人也皆以共明命而扶民極也
 詩曰古之人無斃譽髦斯士又曰令聞令望
 藹藹王多吉士髦之譽吉之聞望非科目之
 名也吾聞之千人之秀曰英萬人之英曰俊
 吾願吾鄙常以英者俊者自命勿徒以貴者
 榮者自喜也故併書之記咸淳三年葉夢鼎
 于宰輔題名之右同日記咸淳三年葉夢鼎
 拜右丞相齋舍始創亭立碑前後記略同不
 俱載

立禮

環綠

登津

連奎

學錄齋鳳記修齋

今天子既建期副

新監學諸齋營上意無敢鹵莽

立禮處西偏地獨敞宜闢長括蒼余自諭三
山鄭石領公帑自募工長賢知諭能遜厥成
論迺疑神靜慮晝夜規畫操丈尺忖豪釐指
授匠者錢仰所給無增而工疑數倍向之墉
者易以石向之壁者易以板窓塞者通渠淤
者決位序厨漏開豁爽塏東窓後為航齋循
欄接盃斯須身在百尺樓上湖山地湧圖畫
天開一覽無際下則爐亭方廣周密橫斜踈
影妙入生綃錦褥細氈鋪設左右摩光黦黑
其澤可鑑夜坐燈燭交輝瓶爐香滿郁然潭
府琴書詩酒之娛非移於宛轉踟躕者所可
比擬也况迺所賴而用甚几案若牀第若食
飲器皿靡不堅好又臺榭新成花木繁植齋
旁舊有亭池築之益高綠竹環焉鑿之益深
清泉冽焉池旁古柳披拂雲霧樓臺側畔楊
花過正諸生春風得意秋也而立禮尤宜焉
或者議其安富已甚非士之常嗟夫斯天
子之學也士幸而備數生負脩身厲行登巍
科躋美仕異日得時行道勲塞宇宙與國
同休雖周公不能辭其富何必衡門之下類
馬

后土氏之神

廟在學之東南隅 端平二年爵通侯 賜廟
額 淳祐六年再加封 贊書有曰相傳 中

興名將其英靈未泯而盼嚮甚著蓋其故居也

理或然歟自是遂明指神為岳忠武王 景定

二年從監學之請超封王爵即其舊謚易武為

簷舞月破牖吟風相與叙述無聊寒苦之狀
然後為得耶余嘉長之賢諭之能共成厥功
故為記其大略若夫事關 祖 宗積累之
父 聖天子纂承之勤教養化育之仁備見
於荆造之盛者其本末歲時自有名公鉅儒
擅當代文筆者余不敢僭 紹定三年十
月

文 勅曰學以明人倫忠於君者百行之本武
必有文備沒爲神者千歲之英緬懷 中興名
將之居陰相首善京師之地申以顯號揚其烈
光太學土地忠顯廟神正顯昭德文忠英濟侯
氣塞天地之間身爲社稷之衛有功不伐卓然
禮樂謀帥之風之死靡他凜若春秋復讎之義
此維與宅以赫厥靈溯其生之自來搢爾士之
忱顛冠帶不左衽者繫誰之力干羽在東序則
遐想其人風化所關肸蠁如在僅疏侯爵未正
王封況鄂國已極於隆名宜廟食增崇於命祀
英烈言言可畏而仰以迄于今辟雍湯湯永觀
厥成有相之道尚福茲土式勸爲臣仍改廟額
曰忠顯神之父母妻子下逮將佐皆有命秩華
以徽號

武學

在前洋街太學之東

理宗皇帝御書扁 紹興十六年 宣諭宰執令

有司討論 祖 宗典故仍 詔臨安府修建武

學創武成王殿祀太公曰昭烈武成王以留侯張
良配諸名將從祀用國子司業陳誠之請依太學

例試補然教養之法未備也二十六年又令禮兵

部措置條具始立養士額置博士諭各一博以文臣或武

舉高選諭以武舉人溥熙嘉泰幸太學謁

先聖畢就謁武成王行肅揖之禮

立武堂

理宗皇帝御書國子祭酒袁燮記登科題名於

我國家網羅雋彥不局一途凡儒學之士既

教之養之而士之有武勇者亦封殖是務武學

之設自仁皇始列聖因之教育不廢高

宗駐蹕錢唐念舊典之不可闕也迺紹興十

有六年申敕攸司復還偉觀于時南北既通和

矣偃兵息民無復餘事而猶垂意於此足以仰

見聖哲之心居安慮危先事為備豈顓以和

好為足恃哉夫士不素養無以應猝而所謂士

者非徒武勇之謂古人有言所貴於勇敢者貴

其敢行禮義也用之於戰勝則無敵用之於禮

義則順治成周盛時軍將皆命卿分職率屬臨

敵制勝同是人也武勇者乎君子者乎仲由言

可使有勇必又曰且知方也越王勾踐有君子

六千人建武中興祭遵為將雖在軍旅不忘俎

與夫規規目前者大有間矣見賢而思齊見不賢而內自省聖門所以垂教也覽者詳之嘉

定十年八月朔日**博士嚴昌宗記前廊題名**文武一道

其將追復古制而同出於近代我國家之建右學

自齋之紹興之丙寅士之被教養者幾七十年矣

六齋之俊升之前廊由前廊而解褐掇危科登

廡仕者袂相屬也顧惟題名未立而歲月浸遠

任塗後先漸不可考於是前廊劉必萬葉孫邢

萬全相與謀而立石焉屬馬為之序愚聞之曰

豐水有芑武王豈不仕貽厥孫謀以燕翼子數

世之繼述也皇上之丕承並用之術尤急先務則

數十之仁也此其所教養者至是益光明而盛大矣

數世之仁也此其所教養者至是益光明而盛大矣

之不可不立也愚舊為掌儀諸生今又備貢博

士請固不獲辭也亦喜為之書嘉定壬申八月

齋舍六

受成

龍首

貴謀

森綠

輔文

桂雲

中吉

叢桂

經遠

咸寧臨安志卷十一 四十五 馬

龍津

閱禮

化龍

咸淳臨安志卷之十一

